

華縣鄉土志目錄

歷史

政績錄

兵事錄

耆舊錄

鄉宦

孝友

事業

貞節

戶口

宗教

實業
地理
鄉里村莊
祠廟
古蹟
坊表
橋梁
市集
學堂
山水
道路

物產

動物

植物

歷史

唐虞三代

禹貢及周職方革屬兗州其地在衛與齊魯犬牙相錯之間
春秋僖公二十八年左氏傳云晉侯登有莘之墟以觀師
觀師於有莘即觀師於衛境莘之屬衛無疑且有公子伋
公子壽二子之墓在焉孟子曰伊尹耕於有莘之野其名
固至戰國無廢云

秦漢魏晉

秦漢之世莘屬東郡即今東昌府陽平縣地魏晉以來莘又
屬陽平郡即今大名府又謂陽平郡即東昌府見廣輿記
北齊北周

北齊為樂平縣北周建德六年於樂平置武陽郡未廢樂平
又析樂平置莘亭縣屬武陽郡

隋

隋初因其舊開皇六年改樂平為陽平縣屬魏州廢莘亭縣
八年改陽平為清邑縣仍屬魏州十六年又改置莘州大
業初州廢改為莘縣屬武陽郡見廣輿記

唐

唐高祖武德四年復析莘縣置莘亭縣五年又改革縣為莘
州太宗貞觀四年廢州之舊名復置莘縣屬於魏州代宗
廣德元年置魏博等州防禦使領魏博等州莘縣屬焉見
廣輿記

宋

宋屬大名府治見宋史

金

金屬大名府路

元

元初因金之舊制至元間割莘縣隸東昌路見元史

明

洪武元年常遇春兵下東昌各屬歸附者甚夥莘縣仍屬東

昌府見明史

國朝

莘縣屬山東布政使司東昌府府領州一縣九莘居郡西南

界

政績錄

漢

蔡義為陽平侯與大將軍霍光定策在昭帝元年見通鑑

李章字第公河內人光武初為陽平令時清河趙綱於莘縣界起塢壁繕甲兵所在為害章設饗會延綱手刃之後遷瑯琊太守祀名宦

桓焉字叔元沛郡龍元人為陽平侯當順帝為太子被廢焉為太常力爭不能及順帝立拜太傅見通鑑

李政義烏人年代失考祀名宦

隋

張允濟青州人開皇間為武陽令化行俗美道不拾遺有人

夜發遺袍行十里始覺人語之曰可還取之果得袍後遷高陽郡丞祀名宦

唐

馬元素中宗時為革令瑯琊王冲起兵元素敗之祀名宦

宋

趙嶠徽宗時為革令會天旱禱雨弁山請於朝賜額顯仁王郡志刻趙蒙祀名宦

陳遠字亨伯永州人登進士第為革令為治有績魏尹蔣之奇馮京交薦之為廣西轉運判官後為兵馬元帥死節建炎初贈特進祀名宦

金

林之純先為朝城主簿黃河東汎橫隴瀕於不支埽兵欲亡
去之純安諭遂帖然事集遷莘縣尹以屏盜有方徙頓邱時
河水盛漲甚危之純朝服立堤上拜禱水勢頓殺境賴以安
祀名宦

元

徹的里迷失蒙古人至元間初為堂邑達魯花赤創建學宮
選邑內士子延師督課士爭向之及更治莘有循吏聲見郡
志

劉克敬楚邱人武宗至大三年冬涖莘首以正風俗為急務
取僊居令條約教民凡遇游手惡徒嚴加懲治方春勸耕集
田父野老慰勞之至是允滑屏跡四民樂業皇慶二年冬去

華士民為之勒政於石祀名宦

明

汪惟善洪武二年任有操守勤政績草昧之初百事頽廢惟善修創之功居多民感其惠去後思之祀名宦

石亨陝西鳳翔人二十八年任廉明正直政績昭然陞山西朔州知州祀名宦

白 舊志逸其名邑人傳謂民皆目為白釘言其治法之嚴如釘之不可移也祀名宦

淡素陝西涇陽舉人成化年任為政寬平行所無事民有訟至縣庭披情款訴第溫言慰勸百姓頌如父母祀名宦

賈克中山西代州人成化十五年任興廢舉墜至今頌其德

政祀名宦

顧巖常熟舉人成化二十一年任慈和勤敏陞河間府通判
臨行士民遮道泣留祀名宦

孟隆字世昌山西遼州舉人宏治九年任達於政事有斷制
才其時民有就食他郡以贖遺兄置田產比返兄弗與屢訟
不決乃詣隆隆遣還令獄囚誣其兄為盜因詰田產之由責
其人而還之祀名宦

朱錦順天舉人宏治十五年任清廉自守臨下莊嚴興利革
弊勸善懲惡數年市無游民野無惰農至今稱良吏焉祀名
宦

諸忠字允中浙江餘姚舉人正德三年任雅負幹局事至善

應巨寇楊虎攻城忠倡義率衆闔門固守賊至環甲執兵矢石交下城得以保民頌其功祀名宦

王琛廣西宜山人正德七年任平易近人篤志好學創修邑志尤推首功

徐繡河南舞陽舉人正德十年任廉介自持分毫不取嘉靖二年致仕回籍

郭希濂陝西安定舉人嘉靖二年任溫厚和平涖任六載民無怨讟尤有功學校卒於官

陳棟實坵舉人嘉靖八年任才識精明寬猛交濟九年境內飛蝗蔽日棟命民捕取得蝗一斗者給穀一石五升共捕蝗一百二十八石皆捐廉俸給穀由是境內絕蝗民利賴之祀

名宦

劉旦順天玉田縣人嘉靖二十五年任秉性公正威愛兼施令出惟行不待捶楚而所事就緒吏役咸惴惴奉法尤重學校優禮師儒士民戴若父母奉為師保祀名宦

王士仲河南鄆城人嘉靖三十年由大興縣丞陞任徵輸不擾差徭以公尤能敦崇學校培養士子及文宗校試諸生果不爽其素所品題故當時咸服知人祀名宦

楊同春雲南舉人萬曆二十年任居官廉潔醞漿不以擾市里往時使客過屬邑之大戶主辦同春出俸金市買器具以待供張徵賦令民手封役櫃不私銖兩之美陞南京錦衣衛經歷去之日囊空弗克治裝士民哭送百里外至今尸祝之

祀名宦

張一相山西翼城舉人萬曆二十四年任沈毅有為百姓安堵祀名宦

蔣克家貴州普安選貢萬曆四十六年任天性直方一塵不染重建三槐堂集士子有造者課藝於其內設鄉約所數區按期講說以布教化祀名宦

王燮元江蘇蘇州舉人天啟二年任循猷善政吏畏民懷捐俸金置立學田培養士子故邑人歌功頌德至今不朽祀名宦

孫愈賢河南滎澤選貢崇禎四年任秉心仁愛而以英斷行之事關民艱毅然爭之雖忤當道弗恤也在任三年百廢俱

興公署學舍多所修葺祀名宦

錢光泰順天大興舉人崇禎十五年任時值兵荒勸課農桑
設立鄉約為民講諭邑人稱其先勞之無倦後補授山東東
充道祀名宦

薛端南京留守左衛舉人成化年任教諭精通性理博洽羣
書尤能勤於施教

張鳳翔萊州舉人萬厯年任莘縣教諭品卓學富志翔千仞
當於古人中求之

陳濟巴陵人成化年任莘邑訓導居心正直施教有方沈酣
書史有古人風

王至化滋陽歲貢崇禎十四年任莘邑教諭品學純粹訓士

以讀書明理為先壬午城陷泮池盡節祀名宦

國朝

張羽神順天大興舉人順治元年任時當新定野多革竊羽
神開誠布公民皆洗心向化又設社學十區延諸儒訓迪之
貧者助其束修朔望親詣講勸有文翁化蜀之風焉祀名宦
劉蚤舉山西洪同人丙戌進士四年任時當荒稜盜賊蜂起
蚤舉身率士民守城七載備嘗艱苦於城內良民多方保護
城外賊黨設法嚴懲有革賴以安全為政清廉仁愛民之相
依不啻父子後遭誣誤輿論惜之有去思傳祀名宦
張侯北直深州人壬辰進士十一年任清廉明決招撫流亡
開墾荒蕪一二年間戶口增至數千課文訓士化被絃歌祀

名宦

薛之佐四川蒼溪舉人十五年任正身砥節清若冰壺戢暴安良戴若慈父陳仲弓之於太邱不異也涖任三載陞順天府司理去時遮道攀轅甘棠尸祝祀名宦

劉維貞號鏡符江南武進人乙未會魁康熙五年任聽訟明決不入左右一言每遇蝗旱力為請蠲輕徭除弊民困頓蘇尤能課士多方振興文教至其捐俸修學繕城輯志種種實政美不勝書涖任八年奉行取監察御史崇祀名宦

王道隆字式南浙江山陰人三十五年任屢遭水旱詳請免徵捐廉賑粥救飢民無算祀名宦

曹煜字亮采江南金壇人順治丁酉科舉人康熙二十三年

由太倉州學正陞授博學能文勤於政事繕修城垣魯隄水
決滄灌葦田力請堵塞凡二十上議涖任八年卒於官士民
立石誌之祀名宦

劉蕭字功人會稽人戊午科拔貢副榜四十九年任敷政勤
慎聽訟公平倡修文廟增設義學種種善政指不勝屈

他如繕城垣建倉廩禱雨祈晴捕蝗平糶纂修縣志迄無虛
日五十五年夏大雨連天水淹四野蕭親詣各鄉撫恤災民
詳請賑濟外復條陳疏濬永除水患闔邑紳民公誌祀名宦
康雍以後嘉道以前涖葦邑者善政良多因咸同之年迭
經兵燹冊籍多失未及詳備

周文炳道光初年任興廢繼絕實力振興口碑傳頌至今不

朽

李著字誠夫直隸舉人道光年任忠信慈惠愛民如子邑人稱之

殷嘉樹字雨帆賜進士出身天津人道光二十五年任訟理政平人稱循吏

胡鳴泰字冠山咸豐五年任聽訟明決六年八月調金鄉十一年春教匪倡亂奉委來莘密查滋事首犯鳴泰立判涇渭全活良民頗多至其奉查兵勇搶奪辦理保甲懇切樵勞噴噴人口

黃以鑫咸豐間任屢遭兵燹艱苦備嘗猶能不憚頻煩論民以義



鄭景福咸豐間任重修城垣保全士民邑人立石誌之

權汝欽字熙坤同治初年任精明果斷是非立判

趙國華字菁衫直隸進士同治年任待士民情致懇切不自知其為官長

羅保謙同治年任守城出力積勞成病卒於官

陳代卿同治間任查辦逆產移置先覺書院妥立章程士林不忘

李以菁字子義重查逆產嘉惠士林

張金芝直隸舉人光緒三年任歲旱秋收大減金芝力請免漕邑人感其德

曹榕河南河內人光緒四年任捐立義學九區惠及寒士邑

人立德政碑以誌之

耿榮昌光緒十二年任信厚待人不設城府捐廉重修

文廟邑人公立碑記

張朝瑋河南澠池人宏獎善類鼓舞不倦重修葺志百餘年掌故賴以蒐存一切政務皆以不忍人之心出之故士民戴如父母

王徵江西安仁縣拔貢光緒二十二年任和平渾厚有古循吏風甫下車息訟懲奸種種善政指不勝屈捐廉俸創修考院獎勵諸生士民感戴勒石立碑並建貞珉於考院皆所以誌弗諠云

謝應奎招遠縣歲貢順治九年任葺縣教諭厚重端方言行

不苟修葺學宮尤為出力

鄧林春武定歲貢順治十六年任莘縣教諭捐俸重修
東廡闔學頌之祀名宦

鄧光玉康熙初年任訓導祀名宦

張朝棟歲貢康熙十八年任莘教諭公正和平多士矜式

李敬之長山縣歲貢康熙二十七年任莘縣教諭簡重有體
祀名宦

臧恂諸城縣舉人康熙三十四年任莘教諭品節詳明跬步
無失祀名宦

趙紹淵汶上縣歲貢康熙十八年任莘訓導厚重端方儀型
多士祀名宦

文廟參訂邑乘祀名宦

李元祉字奉五淄川歲貢康熙四十二年任莘教諭協修

馬顯錫商河縣歲貢康熙二十八年任莘縣訓導正己律人以古道自處祀名宦

田孳嘉禹城縣歲貢康熙四十五年任莘縣訓導正直和平寬嚴交濟秉鐸七載多士咸被化雨祀名宦

傅廷鎧高密縣歲貢康熙五十二年任莘邑訓導品行端嚴不干外事所至諸生皆收斂就範祀名宦

兵事錄

後漢

獻帝初平元年白波賊寇東郡三年于毒等攻東武陽曹操破之

建安八年袁尚將呂曠呂翔叛尚屯兵陽平以其衆降於魏

晉

惠帝永興二年秋七月成都王穎部將公師藩攻隰州縣害陽平太守李志平昌公模遣將趙驤擊破之

懷帝永嘉元年公師藩復稱將軍濮陽太守苟晞擒斬之石勒與苟晞等相持於陽平數月大小三十餘戰八月苟晞大破汲桑於東武陽

愍帝建興元年山東郡縣相繼陷於石勒

東晉

成帝咸和七年後秦姚弋仲死子襄帥師攻陽平城破
穆帝永和七年後趙石祗使將劉顯攻冉閔而敗閔追至陽
平

安帝義熙元年青州刺史劉該反魏陽平太守孫全聚眾應
之晉劉裕將兵斬該及全

東魏

孝靜帝天平四年以高季世為濟州刺史擊陽平賊路文徒
等平之

北齊

文宣帝天保元年東魏行臺辛術寇陽平不克

唐

高祖武德四年劉黑闥自貝州反陷莘州三月秦王破劉黑闥盡復所陷州縣黑闥奔突厥十二月魏州總管田劉安擊黑闥破之獲其莘州刺史孟柱

武后垂拱四年瑯琊王沖引兵擊武水武水令郭務悌詣魏州求救莘縣令中道邀沖恐不敵入武水閉門拒守沖焚其南門因風回軍

昭宗乾甯二年朱全忠欲攻兗郡李克用遣李存信救之軍於莘縣師還羅宏信襲取之三年羅宏信敗太原軍於莘縣六月李克用攻魏州及其郭大掠六郡陷十餘邑報莘之怨

也

後梁

末帝貞明元年梁將劉鄩軍於莘縣晉軍踵之鄩治莘城守之晉王營於莘西三十里煙火相望一日數戰鄩去攻清平二年正月晉王留李存審於莘敗之

明

武宗正德六年流寇楊虎攻莘城知縣諸忠拒走之又有流賊霸州劉六等寇莘縣遊擊將軍許泰帥師破之崇禎十五年十一月土寇黃三等攻莘二十七日城陷

國朝

順治四年冬土寇劉思同李正心等倡亂四載城內良民枵

腹堅守幸保無虞

乾隆三十九年教匪王倫及王聖如反掠革邑東北境城內戒嚴兵弁某追及境外後賊至臨清大學士舒赫德討平之咸豐四年二月二十日髮逆突如陷城城內殉難者二十餘人被虜者數百人所過為墟西鄉蹂躪尤甚四月間自臨清逃竄仍過城外十一年二月張遇獲據城土寇蝟集六月大兵克復九月南捻過境十月延家營從士欽平

同治七年二月南賊張總愚攻城未克

同治初年沈潤章整團禦賊與曹竹亭等攻賊於曹家莊擒其巨首馬姓張姓

鄉宦錄

漢

劉儒字叔林舉孝廉高等遷侍中桓帝詔求直言儒上封事
十條言甚忠切不納出為任城相尋徵為議郎會竇武事下
獄自殺郭泰稱其口訥心辯有圭璋之質祀鄉賢

北魏

王顯字世榮仕北魏歷本州從事以鑒衡多效累遷御史中
尉祀鄉賢

北齊

路去病河清中為殿中侍御史以正直知名人不敢欺擢為
成安令時北齊都鄴與臨漳成安三縣號稱難治功臣內戚

請託百端去病以理抗答勢要之徒莫不憚其風格

唐

韓國昌唐贈左散騎常

韓君雄國昌長子懿宗咸通十一年詔領節度充觀察賜名允中見通鑑

宋

王溥字齊物佐太祖為丞相見宋史

王祐字景叔性倜儻篤志好學太祖時因奏語多激被貶見通鑑祀鄉賢

王旦字子明祐次子宋史有傳祀鄉賢

王旭一作昶字仲明旦之弟祀鄉賢

王素旦季子為政務合人情以工部尚書致仕諡懿敏宋史有傳

王質旭之子字子野仕宋為相簡樸如寒士仁宗景祐三年范仲淹被貶質獨載酒出郊飲餞或以謂質質曰范公賢者得為之黨幸矣見宋史

王倫旭之元孫高宗時倫為刑部侍郎充大金通問使使金金拘倫欲以為轉運使脅以威倫不屈而死諡愍節祀鄉賢王柎字汝良倫之孫孝宗時為右司郎使金歸白其母其母曰爾祖以忠死故恩及子孫汝其勉之勿以吾老為念柎至金金知韓侂胄已誅和議遂決柎奏和約之成皆方信孺將命之功臣因成事爾朝論稱之祀鄉賢

金

孟鑄字成仲世宗大定間由進士官至衛州刺史舊志謂其得古大臣體有忠貞之操金史有傳

元

王德新為淮東廉訪司僉事丁父母憂廬墓七年紀鄉賢

陳世榮字顯卿泰定中為進賢尹興學校正民俗嘗曰民可誣而天不可誣歲饑盡捐其儲救飢民無算以老致仕民不聽其去為築室南郭以留之見豫章書

韓權字公衡幼習儒以孝友知名父鵬適遠方累歲未歸權日夜思念涉險遠訪經年行次雲南得馬行省嘉其孝以茂異聞於朝授本省臨安府教授祿養其父後侍歸於華終養

授山東宣慰司照磨歷官成都路知州人稱其賢
劉欽以文學舉任經歷

楊寶善以勇敢為揚州營軍彈壓英毅多謀身率士卒同其
勞苦故部伍嚴整而不敢犯人謂其有古名將風
李侃由御史臺掾尋拜西臺監察御史以奉直大夫濟南路
總管府判官致仕所至清而有惠寬慈敬法

明

敖山字靜之成化元年鄉薦解元十四年進士官翰林院編
修著有燦然集先天手策提學江西山西士風丕變祀鄉賢
李忱字信卿由監生任直隸新城縣尹愛民敬士剛正自持
人不敢干以私涇任數載致仕歸成化五年有司以事聞旌

表其門

王琮字廷璋成化乙酉科舉人任山西翼城縣尹剛方正直人不敢犯

王賀琮之子歲貢任建甯主簿祀名宦

王嘉祥號乾峰琮之曾孫少孤稍長遇父忌日泣涕不食任臨晉縣尹民頌其廉陞工部主事轉郎中督理營繕程工掄材人服其識以使事過里卒祀鄉賢

王琢玉字文珍生有異質隆慶戊辰進士令成安以治行循卓擢廣西道御史彈劾無所避出守長沙人稱為良二千石以剛直忤當道遂左遷貳轉運琢玉怡然就道無愠色尋遷思南仍以正直著名丁父憂歸連遭母喪服闋御史以才名

上薦琢玉杜門辭謝惟觴咏自娛而已

郝學詩字言卿萬厯癸酉科舉人任內邱縣尹善政多端厯任五載百姓謳歌稱為樂土擢鞏昌府丞士民攀轅泣送百里立去思碑建生祠萬厯戊申公舉崇祀名宦祠今祀鄉賢李宜春字叔芳隆慶戊辰進士初令順天府固安縣興利除弊卓有能名陞南京戶部主事轉郎中出守夔州振士勵俗庶政咸舉

李承緒字伯光以孝友知名嘉靖癸卯領鄉薦授鳳翔府司理案無留牘雪兩孝廉之寃種種德政至今傳誦李鑣字範我承緒孫由貢生任平原訓導課士以重行誼敦品節為先後陞天長教諭丁母憂歸里哀慟而卒

徐安廩生萬厯間任陝西延安府知府考其封典神宗以宋之范仲淹薛奎稱之

白楹字礎之天啟乙丑進士授平陽司理擊彈不避強禦人稱神明左遷浙臬司幕尋補盧氏令盧氏為闖寇蹂躪孔道楹百計拒守力竭城潰賊入強楹降楹大罵不屈抽刀自刎王正勳字載帛乙卯科舉人孝友素著理學淵源宰山西孟縣善政多端孟民歌功頌德口碑載道至今不朽張永恩貢浙江布政司理問正直自守人稱其廉楊濟歲貢山西忻州訓導翼城教諭教施勤懇士多化之

國朝

孫肇興字振宗明天啟壬戌進士授山陽令陞工部虞衡司

世祖

皇帝召至京臨軒問治平之策興立試用人懲貪奏疏稱

旨授宗人府府丞陞工部右侍郎轉左侍郎以老乞歸祀鄉賢

郭璵字石含順治二年授河南滎陽知縣境內久經兵燹人民逃散僅存孑遺七家璵捐貲勞來出種勸墾泣請寬賦以周貧黎間有豪惡為民害者執法除之未及三年四方來歸者甚夥迄今滎陽有生祠

張蘇字眉山思貢順治間任蒲沂縣令署武昌府守年饑發倉廩救飢民無算祀府鄉賢

蔣曰可字可大由拔貢知棗強縣忠信明決有古良吏風流

任五年及去士民為立生祠

李世威性純孝父鉢以城陷罵賊遇害每言及則泣下如雨
博通經史屢戰棘闡未獲拔幟逆奮志投軍從 順承王征
譚紅於東川因親老思歸其母貽書責之謂忠孝一理毋以
親老為念世威由是專心從戎精忠愈奮 順承王分兵攻
涪石巫夔等處世威獨當一軍出奇兵擾之而以正兵擊之
賊大潰遂定巫夔直抵重慶戰功迭著丁母憂回籍服闋補
授廣東參將陞廣西思恩副將征討耿逆歷建奇勲奉
上諭嘉獎陞貴州大定總兵粵西兵民攀轅叩送不絕於路治軍
德威兼施年逾七十自勤勞不倦

賜御書泥金詩扇御製古文淵鑒奉

旨陞見尋以疾卒於官歷任三十餘年宣勞敷治名節完全黔省

兵民感激思慕建祠署右歸葬於萃崇祀忠義祠

張國翰字晏平年未弱冠經術湛深初遊膠庠旋中康熙己酉科武舉乙丑科武進士任宣化府左營守府適丹寇邊隨

聖祖

仁皇帝駕威暑親征奏凱而歸咸謂其有儒將風度適有逼孀

奪孤一案久成疑獄大吏委國翰決之國翰片言折獄孀婦之覆盆已解士民感激勒石誌之至今嘖嘖莫北

孫鋌字長發性質直篤孝友以歲貢歷任文登臨朐教諭陞

河內縣令寬猛交濟士民懷德畏威旋陞安慶府丞

張鑄乾隆年以舉人任浙江海甯州牧境內安謐調署山西

河曲孝義等縣尹迎父大章就養其父嘗語之曰君民大義

是事業聖賢學問是根本鑄守父訓實德及民陞保德直隸
州牧孝義士民哭送路費不受尋以父老告歸河曲為建德
政坊

孫愈盛歲貢任禹城訓導性端介有學識年饑請賑飢民全
活甚衆

相龍章性情澹泊不以境遇累心酷嗜詩書恆日一餐同治
壬戌舉人任貴州安平縣令好施舍尤喜交文士課時談文
無倦志禱雨祈晴輒應後補印江縣令士民霑其實惠共號
為萬家生佛交卸時兩袖清風眷口不能旋里龍章披吟陳
編不間晝夜寢疾數月溘焉遂逝萬里歸櫬士民罔弗嗟歎
盛崇德字仁山歲貢品端學粹鄉黨以孝友稱教讀三十餘

載癸酉乙酉兩科選拔皆出其門光緒四年任高密縣訓導
非公不至縣署惟與諸生講論經史終日不倦故多士謂其
循循善誘有古人風泣任數年尋以病卒於官歸櫬時諸生
泣送數十里

宋 孝友

張琪靖康間有楊大郎率羣賊掠村琪負母以逃遇賊衆欲害之首曰此孝子也害之不祥遂免於難後選校尉累官將軍騎都尉

元

王德新丁父母憂廬墓七年紀鄉賢

明

李志父早世事母柳氏克盡孝養母卒廬墓三年

王純性至孝母安氏雙目翳蔽純旦夕為母餽目焚香告天一日母目復明父瓚任南京龍江提舉卒於官純扶櫬歸葬

廬於墓側成化間有司以事聞

孔昭幼失怙長事母人稱孝及母卒負土成墳結廬墓側泣居三年成化間旌表

李忱志之子也幼失恃事父飲食必親嘗及父卒廬於墓側哀號不已成化間旌表

趙全幼失怙奉母至孝母卒廬墓三年宏治間旌表

沈昱以孝聞母李氏卒昱晝夜悲泣及葬廬墓三年有司以事聞

白溥工部主事本之子也性純孝父卒泣血號慟廬墓三年宏治年旌表

王邦基性至孝父卒欲廬墓母止之母卒食粥飲水三年如

國朝

一日嘉靖間有司以事聞

董字父母歿廬於墓負土築墳至今歸然

楊學孟父疾嘗藥父歿廬墓三年事母定省不懈人稱至孝
左師顏吉州學正達之子也天性仁孝早孤奉母訓孝養其
祖昏定晨省至疾篤時永無倦色人皆稱之曰若翁無賢孫
一日不可活也

李祥生雍正十三年邑令以孝友可風旌其門

張清傑性至孝鄉黨至今稱之

陳大成暨子星復皆忠信孝弟邑人為旌其門

孫明義邑人公舉孝行院獎永言維則

李芳辰邑人公舉孝行院獎能竭其力

索相久父出外數月相久始生少時事母以孝聞及壯典地數畝一半供母飲食一半作路費以尋其父年餘與父同歸竭力奉親鄉里稱之道光十八年邑令杜以千里尋父旌其門

劉振仲早孤一言一事必稟母然後行祖墓就湮承母命獨力修築數日族人感之咸助修墓少失學長喜讀識大義著百要歌勵已勸人光緒十一年邑人公舉孝子

張春堂善事繼母享酉之亂負母避難屢遇賊於道途皆因其負母而免母有疾思食鮮魚不惜重貲購於百里外人咸稱之

蔣肅然邑令曹送厚貲以旌其孝
于清朗父早世事母無違讀書好古復精於醫活人甚夥
李書成父母早世事兄五成一飲一食必先讓其兄昆仲皆
壽八十餘歲人以為和氣所致

事業

元

李希愈性孝友樂施予親鄰賴其貲以婚葬蒙其惠以卒歲者甚夥鄉里稱曰善人

聶宗宜嘗出遊拾遺金器價值不貲家人勸其收藏宗宜非之密求其主與之歲饑濟飢民甚衆墓有殘碑字多剝蝕俗呼為聶相碑

明

高祿成化年助賑納米二百餘石捐地於石佛寺兩頃餘畝為設義學之資祀鄉賢

沈英

李義

趙敬

張英以上四人皆捐米助賑成化六年蒙賜勅獎諭旌為義民

孫世瑋重義輕財雅負經濟居鄉忠信服物有仁人長者風

國朝

張大章翰林院檢討少孤受祖訓未弱冠淹貫經史屢試冠軍尤精易學學使徐推為海岱名宿年近古稀猶依依母膝下孺慕不衰著有坦坦道人草祀東昌鄉賢祠

蔣高糧庠生學業淵博言行謹飭鄉里推服

孫世瓚庠生七歲事孀母晨昏定省四十餘年無少懈卒已

聖世田峻

瘟疫大作傾囊施藥全活甚衆

張有純好善樂施乾隆間舉為農官邑令蘇額其門曰

趙作柱兄作杭積欠官糧柱賣己田代完鄉里有親喪貧不能葬出貲助之乾隆五十年大饑出粟濟飢民無算

孫玉潤庠生幼事父母以孝行著廉隅端謹邑人推重

趙研珠庠生廉潔自持能嚴一介邑人傳謂有古狷士風

李仰聖早孤依母張氏成立母有疾仰聖食不下咽人以孝

稱乙巳歲大旱掘井溉田來春分人以粟鄉里賴之

沈巖監生事繼母以孝聞嘉慶間監修文廟勤勞克著

復置城宅一所積糧以周貧乏

武存心拾金不昧邑人懸匾以旌其門

孫明哲好感應陰隲等書點定旁註終身奉行

武恪持身嚴正鄉里有訟者必排難解紛以息之前令鄒以
為一方之望

武方增模範端嚴化鄉里於和睦故一方奉若師保

孫彭年道光丁酉拔貢潛心家學不出戶庭咸豐四年髮賊
過莘宅焚財散猶能周貧乏助婚葬故善者慕而惡者畏同
治間撫院徵為尚志堂主講以老疾辭撫院嘉其廉書譽髦
斯士四字獎之復以宋之孫明復先生為比

張逢甲恩貢立品端方專心教讀邑人稱之

安樂雍歲貢品學端純邑人為立德望碑以誌之

孫士俊歲貢學篤品端尤工詩賦有家藏卷帙待梓

張萬奇品學優長經史文章過目成誦不務章句之末

劉邦慶歲貢砥節勵行非公不至公門人佩其正

盛紀龍附貢敦品勵行公舉孝廉方正事其生父疾撐被拭

穢年餘不倦查辦逆產創修書院人稱其勞

念錫榮歲貢勵學敦品尤精醫術人多欽佩

孔傳箕歲貢教授生徒助修學宮士林稱之

袁承基監生刻醒世俗該勸人以俚語代言言有裨風化

李華山事繼母定省無懈施藥餌修橋梁種種善事美不勝

書邑人公舉孝廉方正

狄桂馨嗜詩書精岐黃施茶舍藥救急濟貧士林咸矜式之

咸豐辛酉南匪擾境桂馨督辦團練保衛鄉里附近居民賴以生活者不下數千人四方感激勒石垂銘

張耀東郡廩生道光十五年邑令周捐穀備賑耀東慨捐百石咸同年間連遭兵燹又以餘糧分族鄰之貧者勤學無貲之士風其來學故寒士多謁其門

劉德成重義好施邑令胡旌其門曰急公可嘉

劉來朝辛酉之亂大兵剿辦教匪駐扎鄉里來朝出芻草數百束粗糧數百斛以濟軍餉撫憲旌其門曰義篤忠貞子兆齡善繼其志每值凶歲出穀百石錢數百緡以周貧乏撫憲以克紹前列旌其門

張萬傑性端嚴辦理公務鄉里推其正直

于炯監修 文昌宮又捐香資地六畝廟壁立石誌之

于維楨性嗜學精岐黃術著有脈理秘訣待梓

段克均創建石橋又捐地五十畝助立達材義學

鞠鎮南髮賊已過民多見財生心鎮南勸止邑令旌其門

陳純德辛酉亂後剿滅餘黨不避艱險高鴻漸有傳

張樞廩貢戊辰春南賊突至樞率團守城賊攻南門勢甚急

衆將逃樞泣留之責以大義城始得保

高樹棠歲貢辛酉兵燹保全鄉鄰捍衛有術范印綱有傳

冀萬祿性慷慨有求必應每年節出粟濟貧不下十餘石無

吝色里有爭端自備錢文以和其事無德色

張詒春性孝友磊落光明邑人稱之

馬文池同治七年春南匪擾境為賊所執仗義罵賊被殺
薛應春同治七年春南匪擾境虜其父蘭亭於燕店應春請
於賊願代父死竟殺之以免其父

王清雲庠生同治三年土匪猖獗迫令為賊不從投水死
范廷柱精醫術施藥四十餘年濟人甚衆

李華堂同治間匪徒烏合勢同髮捻華堂著勸團要言裨民
以自立之策鄉里多賴其保全前令劉為撰碑銘
安祿爵歲貢家學淵源勤於教讀邑人立石誌之

常煥然字新亭庠生敦孝友勤訓讀邑人為立德望碑
張復成歲貢性嚴峻博通經史成就後學實繁有徒門生數
十人公立德教碑以誌之

貞節

明

崔氏編修敬山之母夫卒氏年二十七歲誓以死守敬事翁姑尤能以義方教子成化間旌表

國朝

侯氏生員周籙妻守節四十餘年康熙間旌表

右錄兩則為貞節之冠其餘業經旌表崇祀入祠者五百餘名事蹟俱詳縣志

戶口

戶一萬九千七百六十二戶

口九萬九千二百八十八口

男大口三萬六千三百九十七口

男小口一萬八千四百七十四口

女大口三萬零三百二十口

女小口一萬四千零九十七口

宗教

回教三十五口

男六十三口
女五十八口

天主教

共男女九百四十二口

城裏北街教堂 女男三十三口

周家莊教堂 女男二十八口

白馬廟教堂 女男二十九口

馬橋集教堂 女男二十七口

王家莊教堂 女男二十四口

蒲家莊教堂 女男十七口

口共一百五十一口
城西北十里
城南二十里
全禮拜寺一座
路滿村禮拜寺一座

西關教堂 女男四十九口

高家廟教堂 女男三十七口

南陽村教堂 女男二十六口

姜家莊教堂 女男二十八口

李鳳桃教堂 女男三十七口

朱家莊教堂 女男三十四口

三
身
一
一

楊家莊教堂
女男
十二
十九
一
口

蔣家莊教堂
女男
四
口
口

尹家營教堂
女男
八
十二
口

王家莊教堂
女男
十二
十七
三
口

尚家樓教堂
女男
十
十七
七
口

齊家路教堂
女男
五
十
九
口

禮院村教堂
女男
三
口
口

胡家莊教堂
女男
七
口
口

段家屯教堂
女男
十
十七
三
口

黃樓店教堂
女男
十
十九
一
口

靳家莊教堂
女男
七
十三
三
口

牛家莊教堂
女男
十二
十八
二
口

實業

本境居民業農者十常七八士與工商十常二三
士二千二百餘人
農二萬九千三百餘人
工九百餘人
商三千二百餘人

地理

本境在省城西南三百二十里在府西南八十里
東西廣三十五里

南北袤六十里

東至陽穀縣界 二郎廟八里

西至朝城縣界 張魯集二十五里

南至朝城縣界 中心閣二十五里

北至堂邑縣界 馬橋集三十五里

東南至陽穀縣界 玉皇廟十二里

西南至朝城縣界 祖家店二十七里

西北至冠縣界 魏莊三十五里

東北至聊城縣界 鄒大廟 十二里

東南至陽穀縣城 三十里

南至朝城縣治 四十五里

西北至冠縣城 七十里

北至堂邑城 六十里

東北至聊城縣治 八十里

鄉里村莊

本境四鄉共分十八里

每里各分上下又分三十六里

共四鄉四百八十七村莊

祠廟

文廟 東門裏

文昌宮 東門裏

城隍廟 東門裏

任聖祠 東門裏

八蜡祠 東門裏

將軍祠 任聖祠內

關帝廟 東關

火神廟 皇路街

龍神廟 西關

三元宮 西關

三義廟

城西南隅

魁星樓

城墻東南角

泰山行宮

東關

呂祖堂

城西南隅

馬神廟

真武廟

南城根

井泉寺

城東北隅

古蹟

伊尹耕處 北門外八里有莘亭今亭廢基存康熙五十六年

石誌

衛伋壽二子塚 伋塚在城南二里許張家莊有公季家樓墓

閃王墓 在城南四里許尹家營西

唐贈左散騎常侍汝南郡韓公國昌墓 墓前碑咸通十三年

魏博節度觀察處置等使韓君雄墓 碑在乾符二年建節度前

官斲于濟撰銘

按韓氏父子墓碑在城西南祖家店西南距城二十七里

碑甚高大年久剝落字跡模糊銘文俱載舊志

三槐堂 宋王旦祠前在城東北二里舊存

王旦墓

寶塔

三在城級頂上有
北中二西里東

隅東

西瀾

宗天

眷二

年建

碑十

記三

模步
高十

坊表

內葆坊 在四會街明成化十四年為翰林教山建

壯猷坊 嘉靖十四年為進士曹一貫建

恩榮坊 四十一年為進士王嘉祥建

繡衣坊 隆慶二年為進士王琢玉建

銀臺清署坊 五年為進士李宜春建

寵命三錫坊 萬歷間為勅贈中憲大夫李錦建

多賢坊 在四會街明歷科鄉會中式題名

孝子坊 成化年為孔昭趙全各立一坊

百七歲坊 乾隆元年為壽民王加有建

裕後完節坊 在西街口雍正元年為邑庠生孫明憲妻郭氏建

旌表節孝坊
在南北大街中間
 乾隆四十六年為孫純嘏妻
 旌表節孝坊
毛氏建
 乾隆十四年為張有才妻趙氏建

橋梁

旭升橋 在東門外

阜財橋 在南門外

大有橋 在西門外

拱辰橋 在北門外

大通橋

東魯橋

板橋 以上三橋皆在東關外光緒五年邑人孝廉方正紀龍重修

閃里橋

田家橋

楊家石橋 以上三橋皆南門外楊家石橋向在關廟中間光緒年間移置關外

通津橋明正德二年知縣王琛建

王家小石橋

金線橋

小板橋

以上四橋皆西門外光緒年間重修

道衛橋

在北關中間

段家橋

在黑龍潭北段克均創建

市集

五皇廟集 城東南十二里

田家集 城南十二里

黃樓店集 城南二十里

王惠集 城南二十里

姐家店集 城南二十五里

陳家集 城西南十八里

關目集 城西十五里

董王莊集 城西北十二里

鄒家巷集 城西北三十五里

魏莊集 城西北三十五里

河店集

城北二十里

燕店集

城北二十里

馬橋集

城北四十里

銷金寺集

城北三十里

柴家廟集

城北十五里

黃樓店集

城南二十里

學堂

官立高等小學堂 在東門裏考院內

官立初等小學堂 在東門裏文昌宮內

官立初等農會小學堂 在城內東北隅井泉寺乙酉春汪任

城內官立簡字學堂 汪二處一在明倫堂一附設農會乙酉年

城關公立初等小學堂 共三處

四鄉公立初等小學堂 共二十七處

私立初等小學堂 共三處

山水

山無

馬頰河舊志謂即九河之馬頰來自西南至朝城之潘家莊入莘縣界迤邐而東北經南無村東王莊海佛寺又北至弁山廟境內行三十九里入冠縣界逢夏秋雨潦水勢汪洋無大雨則涸

水經注漯水發源朝城西南諸陂經陽穀境至魯家堤入莘縣界西北經盛家河黃家河至城東北有沙河水入之又東北復流入陽穀縣之蓮花滋咸同之年下流淤塞伏秋頗為民患經前令曹榕率紳民疏鑿由李明楊家莊前向西北鑿至南關與金線河合流入聊城

豬龍河自朝城畢家屯入莘西南界名金線河經楊家河口
大宋莊馬場于家水坑隄圍至南關會東南張家窪魏家窪
坡水向迤西關北關繞城西半今迤東關北關繞城東半又
東北十八里至老常家莊入聊城界常泗遇伏秋暴漲環城
皆水

石人坡水自莘縣南境東北經牛王廟循古隄東入黑龍潭
黑龍潭在城東南二十里魯家隄口與陽穀交界久係窪地
前明隄決被鄰境諸邑之水衝激成潭故名每遇大澇數被
水災光緒間官紳疏濬其患漸息

道路

正東至東阿大路出東門九里至朱家莊出境又東入陽穀界九里至龍王廟又東九十三里至東阿縣城

東南至陽穀大路出南門東南至玉皇廟十二里出境又十八里至陽穀縣城

正南至朝城大路出南門至南觀鋪十八里又七里至中心關出境又二十里至朝城縣城

西南至南樂縣大路出西門西南二十七里至祖家店西南段出境入朝城縣界又二十五里至書館集又四十里至南樂縣城

正西至大名府大路出西門二十五里至張魯集出境又西

八十里至大名府城

西北至冠縣大路出西門西北至魏莊三十五里出境又三十五里至冠縣城

正北至堂邑大路出北門至河店集二十里又十五里至馬橋集出境又二十五里至堂邑城

東北至聊城大路出東門東北至鄒家大廟十二里出境又二十二里至沙鎮又四十五里至聊城

物產

動物

蜈 蝎 蝙蝠 烏 燕 鴉 貓 豕 驢

蠶 蜂 蜘蛛 鵲 雀 鴨 鼠 羊 馬

蜻 蟬 蝟 啄 鴉 雞 狐 犬 牛
蜓 木

蝶 蜡 蛇 子 鳩 鴿 瑞 兔 驢
規 狼

植物

桑 榆 棗 海棠 夾竹桃 苜蓿 益母 麥 穀 芝麻

柏 椿 桃 月季 蘭 蘆葦 車前 大麥 高粱 黃豆

槐 柳 杏 玉簪 迎春 陰柳 蒿 黍 玉蜀 菜豆

楊 梨 兔角 雞冠 菊 竹 茭草 稷 蕎麥 黑豆

壹系印上

〇五〇

江豆 荸薺 豆角 菠菜 蒜 蔓菁 北瓜

小豆 藕 眉豆 芥菜 茄子 小茴香 王瓜

青豆 金針 蘿蔔 蕪荳 棉花 東瓜 甜瓜

芋 葡萄 白菜 葱 蔴 西瓜 絲瓜

莘縣鄉土志跋

自州縣有志而政治之得失見焉風俗之貞淫見焉人品物類之臧否亦見焉然就各州各縣以觀其志似鋪張而多飾不若即各鄉各土以名其志愈簡樸而易明故徵文考獻之餘宜遵存信闕疑之律非徒載疆理土田可於斯瞻廣狹也亦非徒載人民社稷可於斯作威權也政治出其中風俗出其中人品物類出其中不於此修而明之恐代遠年湮亦空換殘碑斷簡致慨墜緒之茫茫焉耳當此而欲效子產之博物胥臣之多聞參互考訂於其間不幾謂人往風微轉歎古今人不相及耶如是則鄉土之志非及其時以修之不可非得其人以修之亦不可今當

國家勵精圖治政教維新方欲覽各省通志以為布化宣猷之
準而不知各省有志其端始於各州縣州縣有志其實稽於
各鄉土此修通志之所由來也此修通志而因以修鄉土志
之所由來也鄭自仲冬涖任有莘屢閱札飭業經遵行者甚
夥獨鄉土志前令尚未舉辦躬默揣責無可辭第念案牘
頻煩殊難兼攝舉閭邑之歷史政績山川人物授筆而直書
之尤懼見聞未廣遺漏多端此固邑令之慚當亦諸生所感
愧交集者已於是進邑之明經張連彙李鳳崗茂才岳金墀
高鴻策馬仲勛張廷鑑盛鑫科盛价人等諄諄焉詢之求其
克膺斯任者僉曰儒學訓導翼軒孔君其庶幾乎遂以是役
屬之又以採訪參訂之責分任諸生爾時避謝弗遑皆若有

躊躇焉未能勝任者乃不數月而採錄多條不數月而草創成稿意該言簡毫無穿鑿附會之詞異日繕寫須工校對務密俾生於斯長於斯者均可開卷有益人人皆知鄉土之實錄即人人有愛鄉土之本心向所謂古今人不相及者至此庶克奮勉也時在戊申仲冬花翎陞用同知葦縣知縣周鄭表謹跋

跋

是書前邑令周君督催士紳依例採錄延儒學訓導孔廣文
編纂甫竣適康奉檄蒞任見其選輯翔實不遺不冗因屬稿
繪邑圖付諸剞劂以備小學教科書採輯之需夫士生於其
鄉長於鄉遊於鄉士之於鄉密切相關然語其鄉之歷史地
理與夫動植鑛物往往茫乎未知非為士者之恥乎是亦教
士者之失也蓋士不知其鄉之德行道藝歷史之光榮則不
知愛其人不知其山川道路廣輪之數則不知愛其地不知
其物產之富生養之源則不知愛其物不知其所愛士之所
以為士者可知矣亦安望興賢興能於其鄉哉周禮大司徒
因民之常而施十有二教以鄉三物教萬民說者謂以鄉中

三事就民所常見常聞者以施教走其知愛知敬之誠推而廣之以至愛國愛天下其所以為教者初非高遠難能而收效若是賢能之書率三歲而一獻亦教之得其道而已矣是邑之人材蔚起吾亦將於編卜之歲在己酉仲春花翎同知銜陞用直隸州署莘縣知縣汪錫康謹跋